

0.0.1 rājasuttam

1. sāvatthiyaṃ: kiñcāpi bhikkhave, rājā cakkavatti¹ catunnaṃ dīpānaṃ issariyādhīpaccaṃ rajjaṃ kāretvā kāyassa bhedā parammaraṇā sugatiṃ saggam lokam uppajjati, devānaṃ tāvatiṃsānaṃ saṃvāyamaṃ. so tatha nandanavane² accharāsaṅghaparivuto³ dibbehi pañcahi kāmagaṇehi samappito samaṅgībhūto parivāreti. so catūhi dhammehi asaṃnāgato. atha kho so aparimuttova nirayā, aparimutto tiracchānāyoniya, aparimutto pettivisayā, aparimutto apāyaduggativinipātā. kiñcāpi bhikkhave, ariyasāvako piṇḍiyālopena yāpeti. nantatāni⁴ dhāreti. so catūhi dhammehi saṃnāgato. atha kho so parimutto nirayā, parimutto tiracchānāyoniyo, parimutto pettivisayā, parimutto apāyaduggativinipātā.

2. katamehi catūhi? idha bhikkhave, ariyasāvako buddhe aveccappasādena saṃnāgato hoti "itipi so bhagavā araham sammā sambuddho vijjācaraṇasampanno sugato lokavidu anuttaro purisadammasārathī satthā devamanussānaṃ buddho bhagavā"ti' dhamme aveccappasādena saṃnāgato hoti: "svākkhāto bhagavatā dhammo sandiṭṭhiko akāliko ehipassiko opāyiko paccattaṃ veditabbo viññūhī"ti. saṅghe aveccappasādena saṃnāgato hoti: "supaṭipanno bhagavato sāvaka-saṅgho, ujupaṭipanno bhagavato sāvaka-saṅgho,

¹vakkavanti-sī 2, syā.

²nandane vane-machasaṃ, syā.

³accharāsaṅghātaparivuto-simu.

⁴nattakāni ca-machasaṃ.

ñāyapaṭipanno bhagavato sāvakaśaṅgho, sāmīcipaṭipanno bhagavato sāvakaśaṅgho, yadidaṃ cattāri purisayugāni aṭṭhapurisapuggalā, esabhagavato sāvakaśaṅgho āhuneyyo pāhuneyyo dakkhiṇeyyo añjalikaraṇīyo anuttaraṃ puññakettaṃ lokassāti. " ariyakantehi sīlehi samannāgato hoti akhaṇḍehi acchiddehi asabalehi akammāsehi bhujissehi viññuppasatthehi aparāmaṭṭhehi samādhisaṃvattanikehi. imehi catūhi dhammehi samannāgato hoti.

3. yo ca bhikkhave, catunnaṃ dīpānaṃ paṭilābho, yo catunnaṃ dhammānaṃ paṭilābho, catunnaṃ dīpānaṃ paṭilābho catunnaṃ dhammānaṃ paṭilābhassa kalaṃ nāgghati solasinti.